

保舉十華御輪而後從五靈導轅以前驅御
籙膺圖飛金龍於童子佩符合券契玉虎於
神王身遊紫闕之深面禮玄都之妙還真光
於妙有混靈景於虛无悉聚為神侍衛三清
之座形散為炁翱翔八極之津保天長存與
道无極蒙鑒懇祈之切允昭提獎之真齋主
共福慶雲與炎映風散出扶宗社敦禮樂於
九圍入御闈門衍詩書於六族圓九五其時
之志願遂十三叢象之經營更願二極清寧
三辰明耀山靈薦社川后靜波四塞風清有
歸馬牧牛之樂九垓日靜無號孤舞鱗之憂
草木衣被於周仁鬼神優游於商德休徵時
若萬象調玉燭之和嘉穀天成三農獲金穰
之慶九幽開朗五道停閑則上明天尊大慈
之化下副巨等皈命之誠謹啓以聞

發願

存神燒香

香官使者左右龍虎君侍者諸靈官當令巨
向來晚朝陞壇行道之所自然生金液丹碧
芝英百靈聚真交會在此香火爐前當令巨

學道得道求仙得仙齊主受福幽顯沾恩十
方仙童玉女侍衛香烟傳巨向來所啓之誠
速達徑御

太上无極大道至真玉皇上帝御前

下堂頌

下壇

回師

靈寶領教濟度金書卷之五十

靈寶領教濟度金書卷之五十一五十二

洞微高士開光啟苦真人竊金具投

靈寶通玄弘教水南先生林靈真編

科儀立成品類開度黃

宿啓儀

燒香頌

各禮師存念如法

東方

九炁青天明星大神煥照東鄉洞映九門
轉燭陽光掃穢除氛開明童子號曰玄卿
備衛我軒上對帝君收魔束妖討捕兇羣
奉承正道赤書玉文九天符命攝龍驛傳
普天安鎮我得飛仙和與道合真

南方

三炁丹天煥景流光燦星轉燭洞照太陽
上有赤精合契虛皇開明童子號曰華芳
總御火兵備守玉堂斬邪束妖剪截魔王
北帝所承風火衝當流鈴交煥翊衛壇場
正炁流行敢有猖狂我享上功坐運魁罡
億劫長存保天無疆和與道合真

西方

七炁素天太白流精光耀金門洞朗太冥
中有素皇號曰帝靈保神安鎮衛我身形
斷絕邪源王道正明宮殿整肅三景齊并
道合自然飛昇紫庭靈寶符命普衛萬生
元皇正炁來合我身功加一切天地咸寧
和與道合真

北方

北方玄天元始徘徊辰星轉燭洞煥太微
黑靈尊神號曰層威統冠飛天仙裙羽衣
備守五門檢精捕非敢有干試豁落斬摧
玉符所告神真八威邪門閉塞正道流輝
三光映照我身無衰策空駕浮舉形仙飛
和與道合真

中央

黃炁中央調理乾坤陶鑄陰陽總統玄真
鎮星吐輝流耀九星開明童子號曰天璘
陽炁鍊上朱煥炎精洞照內外運我身形
百邪摧落攝役鬼靈中山神呪普天使聞
五靈安鎮身飛上清和與道合真

鳴法鼓二十四通

發爐

无上三天玄元始三炁太上道君召出臣等
身中三五功曹左右官使者侍香金童傳言
散花玉女五帝直符直日香官各三十二人
出出者嚴裝關啓玄壇天帝神君當召此間
土地里域真官正神急上關啓臣今奉為齊
意以今宿啓告齋願得玉清道炁靈寶妙光
下降流入臣等身中即使玄壇清淨內外成
真天無氛穢地絕妖塵琳琅振響十方肅清
萬魔不干真誠上徹令臣所啓速達臣御
太上无極大道至真玉皇上帝御前

請稱法位

具位奉行无上黃籙大齋法事小兆臣某與
臨壇官衆等今故燒香願以是功德上為七

世父母

天子王侯土地官長經師籍師度師及山林
岩栖學真道士同學之人九親門族天下人
民蚩飛蠢動跂行喙息一切衆生皈身皈神
皈命

无上靈寶自然至真大道並句原赦前生今
世生死宿罪重過得免難三惡之道五苦八
難九厄之中臣等身得道真飛行虛空白日
升天侍衛道君道遠无上七寶自然宮殿永
與道合所啓玄感應聲上御

至真无極道前

禮十方

坐懺

臣法衆等志心皈身皈神皈命

十方无極太上靈寶天尊懺悔修齋弟子及
臣法衆等自從曠劫以來至于今日或身業
所犯四肢舉措動違戒律不依經典或心業
所犯志念不專情浮意動馳騁不息或口業
所犯善惡反論綺語飾非華詞惑衆因今懺
悔並乞蕩除皆願臣等及齋主并身入至仙
會道合真神合真寂洞入自然性命合道玄
會無為志心稽首禮謝
无上至真三寶

三啓頌

樂法以為妻 愛經如珠玉 持戒制六情

念道達所欲 淡泊正氣停 蕭然神靜默
天魔並敬護 世世享大福

又

營營家園盛 濟濟經道興 天人同其願
縹緲入大乘 因心立福田 靡靡法輪升

七祖生天堂 我身白日騰

又

大道洞玄虛 有念無不契 煉質入仙真
遂成金剛體 超度三界難 地獄五苦解
悉歸太上經 靜念稽首禮

三禮

巨等志心稽首禮

太上万極大道

巨等志心稽首禮

三十六部尊經

巨等志心稽首禮

宣中大法師

重稱法位

具位奉行无上黃籙大齋法事小此巨某與
臨壇官衆等謹同誠上啓

大上无極大道元始天尊太上道君太上老
君高上玉皇无上玄老十方已得道大聖衆
至真諸君丈人三十六部尊經宣中大法師
天師君上相上宰四司五帝三界官屬一切
真靈巨等宿鍾慶運欣際昌時企瓊縹於鸞
幽心傳玄妙暗瑤園於鳳笈身佩希夷莫餐
雲藥於空山乃混烟葩於華境曲承聖旨俯
軫愚蒙伴修方寸之勲矢心領教庶效錙銖
之報勵志酬恩凡有皈投敢忘開告况奉詞
旨敢不上聞

宣詞

按如詞旨備切丹誠仰惟三洞金書鼓神風
於萬宇九清玉範沛聖雨於八紘飛玄昭靈
寶之宗空洞御虛无之祖羅敷三籙洞煥九
幽爰稽靈仙之威儀參考神人之格範法天
象地三成陞設於螭坳呼陰召陽九奏班催
於駕序列鳳縉而效款真龍壁以輪誠門啓
十華降十天之寶御戶開四梵來四極之瓊
輪紫烟瞻謁於蓮萼碧霧迴旋於蘭鼎翠旌
飛舞珠蓋空浮自今月某日為始就其處崇

建无上黃籙大齋晝夜為亡故某懺除宿
垢洗釋新瑕削籍北單超形魂而飛邁受書
南上煉神炁以徘徊永遊宴於瓊都克道遠
於藥闕謹依科法宿啓以聞恩惟

太上三尊玄虛衆聖垂慈鑒映俯覽奏陳教
勒三洞仙曹三寶官屬侍經護法監齋衛真
土地真官虛空監察同心協力掃內外之妖
氛會道運神契天人於影響令巨等三官泰
定九室虛圓登丹悃以趨朝一塵不立邇清
光而奏對萬境俱融齋功無魔試之凌霄澤
被混與之大輪困初敬激越終忱誓析教雨
之旁敷曾願慈雲之廣覆明晨行道續更啓
聞

發願

一願乾坤明素二願氣象清玄三願聖君萬
壽四願化洽八埏五願天垂甘露六願地發
祥烟七願四時應候八願萬物生全九願家
多孝悌十願國富才賢十一願齋功廣被十
二願善瑞日臻

存神燒香

香官使者友右龍虎君侍香詣靈官當令
建醮之所自然生金液丹碧芝英百靈衆真
交會在此香火爐前令臣學道得道求仙得
仙者主受福顯沾恩十方仙童玉女侍衛
香烟傳巨白來所啓之誠速達徑御

太上无極大道至真玉皇上帝御前

出壇 下壇 回師

靈寶領教濟度金書卷之五十一

靈寶領教濟度金書卷之五十二

洞微高士開光啟普真人 靈全真授
靈寶通玄弘教水尚先生 林靈真編

科儀立成品開度黃

頌玉清大赦儀

靜默堂序立

華夏贊引至壇前

上香長跪啓白

具位巨某誠惶誠恐稽首頓首再拜上言巨
聞道無今古常提三極以熙熙物有始終每
墮九幽而寂寂稽首度生之德歸心起死之
恩尚冀宸慈俯垂淵聽以今奉為某寶薦某
切慮客塵互染業網交周紛五鑿於支離縱
六因於流曳性山自伐罔思靈素之當培心
田弗耘惟恣荒茅之自塞下達地理上汨亂
於天文陰忤真靈陽復乖於人紀致黑簿定
千愆之目而玄曹列萬罪之名厭世彷徨墮
形神於積夜歷時存弄沈魂魄於重泉六洞
推研十官對案水火三元之考問萬劫無原
炎冰九壘之拘維千齡莫釋誰伸援手但劇

寒心匪依紫極之清光曷破黑鄴之濁暗巨
等冒膺楓渥榮縮芝符奉靈光而代天工誓
勤水蘗策神威而開地禁志切金蘭擬頒金
籙之洪恩庸請玉清之大赦開明夜壑提極
寒庭庶回萬死之悲均遂千生之樂欲望玄

恩廣覆帝澤旁昭許微巨存軫以宣行教冥
曾承宣而敬聽即使亡故某出離幽暗親見
光明不在大不在小之愆澄澄水釋無私覆
無私載之德蕩蕩雲臻永辭五濁之庭徑陟
九清之界溥提六道旁軫四生共證性於昏
衢獲升神於覺地恩沾有截澤沛無垠巨不
勝瞻天望聖激切屏營之至俯伏天階恭俟
玄恩報應

高功伏地行持

衆誦

大行梵炁周迴十方中有度人人不死之神中
有南極長生之君中有度世司馬大神申有
好生韓君丈人中有南上司命司錄延壽益
算度厄尊神迴轍起死無量度人今日校錄
諸天臨軒